

Beere maaga a pod'go mono



Andre, ndo díg ga jar debaycõõre kãã wo baara yaŋ go ma yããge ge go buy?

- Sen go tinoo ga bay wa has.
- Hayga yaŋ dosen ni faage bay ti bi wa lay mopa. Ndo lay?

- Ãã, bin ndi de faage ti. Werga ndi bay diŋ jee debaycõõre wa.
- Day ndo bay diŋ jee joŋ blagge wa?

- Oo! Ãã! Naa buy diŋ jar joŋ blagge wo ra, Andre kal be go bo' ti wãären de yiŋgi jag do kay no sono.

Ni Baa mo kay, jar joŋ blagge wo buy nen be diŋ jar debaycõõre wo ra. Kefder Baa wãã ne naa ga: **“Jee tàabàay ma kedef bay wa, bay boŋ dra' wa” (Rom wo 3:10)**. Bil kefder Baa mokay wãäre pëëgen mani kris de hãge noga de minge diŋ ne jar debaycõõre wo tawa. Jar maaga ko wo see baara kedef hay bay wo desây maaga Kris mo pëë Saara go ti wa werga hay bay wo de sây maaga saara mo pëë go ti wa.

Andre, a de el maaga ndo

mo ko see bo pel Baa diŋ jee blagge, day ni ndo mo yãã ga ndo go da' fuggi bil doo Baa wer ti hùuli Kris ti ree fo. Doo ga **“Kris raw hùugi go ti bol jar debaycõõre wo” (Rom 5:6)**.

De wùr sen tu, de wùr roo kag ma maŋ wãyn mokay, Andre kal age da' ndi. A hay go de ca jiili debaŋ ti ree blagge ben wo, nen maaga a laa da' nen kaŋ nàa nen be gà.

- Kal wããge ga: Ti ferge bi wo liŋ mokay, wãäre maaga wii ga: **“pëëgen de minge diŋ ne jar debaycõõre wo”**, laa dayge men wãã wãäre me sug ga has. Patala, ndi a wii ndo ga day ndi mo joŋ joŋge maaga ndi mo yãã go so la?

- Ndo ko we ga ndo diŋ jee joŋ blagge?

- Ndi diŋ jee joŋ blagge de daŋ jar bay.

- Day põõre blagge bon wo ti wosela?

- Põõre blagge bin wo buy ti bi.

- Hayga à yaŋ dosen no sono, ni ndo doo jee maaga de beere

ma puri ti nono, day ga kãã ma podge be go ga nono.

- A dosen no no kidolgi.

- Hayga ndo hay we de beere jobo ti puri ga ndo bay we go de podge be wa no; ndo kãã ma kalge go siigi ga do hëëne maabga ndo day la ndo yiŋgi de jee beere bo no. Hayga ndi pod' beeren we go ne ndo ti ga ndo bay de da' faage be wa no; ndo kal bo go ga tum doo hëëne dà pa. day hayga ndi bo' sug bo we de be ga ndi podn we go ne ndo ti no, ndo raw kalge go de ceg kãg werga jee maaga beere be ti bo bay de eegre ti bo wa so. Sen wer mayne?

- Werga beeren go ge podge.

- Ãã! Day podn bay diŋ ndo wa.

- Joŋge hëëne doo be bay de faage ti wa so, werga bëëren go de podge, day a bay de eegre ti bi wa so.

- Eh! Ãã hãã... Baa go de men ree blagge bon wo mo ti. Day ndo joŋ hëëne ma yiŋgi de be dá pa?

- Baywa.

- Ma ti ree blagge bon wo mono, kedef mani Baan go de ba jage, Naa hay bay de kããge ma men ree blagge naa wo go ti naa de see naa wa, aama Kris raw pod' beere ma ti naan wo go de cii be maaga daŋ go mono: **«Kris de see be hoo ree blagge naan wo go ti be jag ko»**. Nday yãã le go jag seele bay maaga nday da' le doo moore bay wo na... bay diŋ de mopo maaga de el be taw ge go, doo boo biŋni wo de boo solay bayn wo no wa. A yãã we le go **“diŋ de cii Kris” (1 piyer 1:19)**. **“Manwur raw kaŋ blagge naan wo buy ne hën ti” (Esay 53:6)**.

Dosen Baa raw bo' waŋkluu Yeeso le maaga a mo pod' beere maaga hay wo ti naa go; bil Baa go feh ti maaga Kris pod' beeren go mono. Day ndo lay?

- Ndi doo sen nolay, nen daga ðu Baa mo hay de togodje! “Ma patala wãäre bay de baw jar maaga wo de tayge de Yeeso Kris mo wa so hase” (Rom wo 8:1).

“Day dage sen, bay ga naa hàý da Baa wa, ama diñ werga a da naa, day raw bo’ wel ben le sii jag go ti blagge naan wo no” (1Jañ 4:10).

“le ti wùr maaga naa hay bay le de kãāge ma joñ ree po de el wa ða, Kris raw hùugi go ti bol jar debaycõöre wo de wùr maaga Baa hay ngabñ go mono” (Rom 5:6).

Kris “joñ dosen no lay, à sii jag go de see be ma por

blagge jar go ngaba baale boñ tuu”. Se day pa gano: “ndi kañ ge ti bi ti ðig blagge baaran noga debaycõöre baaran wo gà so has lay” (Hebre 9:28; 10:17).

Jee “maaga yañ yãã wããre... kiida baw ge ne ge gà so hase” (1 Jañ 5:24).

“Ni cúi wel be Yeeson fãã blagge naa wo ... go buy” (1 Jañ 1:7).

Nday da we ga nday mo laa wer ne mopo ma tigrin pa no,
ni nday mo ðe we:

Maroua: B.P. 98, *cb.maroua@gmail.com*
tél.: 675.004.505 / 695.765.950

Garoua: B.P. 510, *cb.garoua@gmail.com*
tél.: 663.822.557 / 698.434.388

Kousséri: B.P. 98, *cb.kousseri@gmail.com*
tél. 676.099.969, ou 00235-68.02.37.31

Ngaoundéré: B.P. 30, *cb.ngaoundere@gmail.com*
tél.: 695.245.462

Ailleurs au Cameroun :

Mora-Massif

Bafoussam: B.P. 1086

Douala-Nouvelle Route Cité: B.P. 7541

Monatéle: B.P. 92

Ngong (*carr. Tourwa*)

Bertoua: B.P. 12

Ebolowa: B.P. 98

Yaoundé-Etoa Meki: B.P. 4866